



Sud Bosne i Hercegovine

Суд Босне и Херцеговине

Broj: Su-08-75/21

Datum: 18.05.2021. godine

Na osnovu člana 64. stav (1) tačka b) i člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05, 60/11 i 25/17) na preporuku Stalne komisije za javne nabavke Suda BiH broj: Su-08-74/21 od 18.05.2021. godine u postupku javne nabavke usluge održavanje softvera LOT 5 - Licenca za backup rješenje VEEAM Backup & Replication – 72267100-0, donosim

ODLUKU

o izboru najpovoljnijeg ponuđača za nabavku usluge održavanje softvera
LOT 5 - Licenca za backup rješenje VEEAM Backup & Replication

član 1.

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-74/21 od 18.05.2021. godine, te se Ugovor za javnu nabavku usluge održavanje softvera **LOT 5 - Licenca za backup rješenje VEEAM Backup & Replication** - oznaka i naziv iz JRJN:72267100-0 (održavanje programske podrške za informacijsku tehnologiju) dodjeljuje ponuđaču **“MIBO KOMUNIKACIJE“** d.o.o. Sarajevo, sa sjedištem na adresi Tvornička 3, 71210 Ilidža, Sarajevo sa ponudom broj: PON-670/21 od 27.04.2021. godine i nakon sprovedene e-aukcije za ponuđenu cijenu u iznosu od **3.400,00 KM** bezPDV-a.

član 2.

Ugovor o nabavci dostaviti će se na potpis izabranom ponuđaču **“MIBO KOMUNIKACIJE“** d.o.o. Sarajevo po proteku roka od 15 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda Bosne i Hercegovine. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke usluge održavanja softvera po lotovima broj: Su-08-46/21 od 31.03.2021. godine. Javna nabavka je provedena putem otvorenog postupka broj: Su-08-47/21, a procijenjena vrijednost javne nabavke bez PDV-a za LOT 5 je 4.300,00 KM bez PDV-a. Obavještenje o nabavci objavljeno je na portalu javnih nabavki pod brojem 243-1-2-14-3-11/21 od 02.04.2021. godine. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku nabavke usluge održavanje softvera LOT 5 - Licenca za backup rješenje VEEAM Backup & Replication. Komisija je blagovremeno i pravilno izvršila javno otvaranje ponuda dana 27.04.2021. godine i sačinila Zapisnik o otvaranju ponuda koji je proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće; da su blagovremeno pristigle tri (3) ponude (MIBO KOMUNIKACIJE, COMTRADE SYSTEM INTEGRATION, VERSO); da nije bilo neblagovremeno zaprimljenih ponuda; i da su sve pristigle ponude ponuđača ocijenjene prihvatljivim i u skladu sa tenderskom dokumentacijom.


Za ovaj postupak je predviđena elektronska aukcija (e-aukcija). Sve prihvatljive ponude (MIBO KOMUNIKACIJE, COMTRADE SYSTEM INTEGRATION i VERSO) su dana 10.05.2021. godine unesene na web portal javnih nabavki BiH radi zakazivanja elektronske aukcije (e-aukcije) i ista je zakazana za dan 17.05.2021. godine. E-aukcija je počela dana 17.05.2021. godine u 12.00 sati a završila je u 12.34 sati. Ponuđači koji su pozvani da učestvuju u e-aukciji (MIBO KOMUNIKACIJE, COMTRADE SYSTEM INTEGRATION i VERSO) su podnosili nove cijene (nove ponude), te je nakon završetka e-aukcije kreiran izvještaj o toku i završetku e-aukcije (početna i konačna rang lista) ponuda u kojem je utvrđeno da je prvorangirana ponuda ponuđača "MIBO KOMUNIKACIJE" d.o.o. Sarajevo sa ponudnom cijenom od *3.400,00 KM bez PDV-a, drugorangirana je ponuda ponuđača „VERSO“ d.o.o. Sarajevo sa cijenom od 2.440,00 KM bez PDV-a, i trećerangirana je ponuda ponuđača „COMTRADE SYSTEM INTEGRATION“ d.o.o. Sarajevo sa cijenom od 2.786,00 KM bez PDV-a. *(prilikom poređenja ponuda ponuđaču MIBO KOMUNIKACIJE je umanjena cijena ponude za 30% jer je dostavio poveru o preferencijalnom tretmanu domaćeg izdatu od strane Vanjskotrgovinske komore BiH).

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Nakon okončanja e-aukcije nesporno je da je prvorangirani ponuđač "MIBO KOMUNIKACIJE" d.o.o. Sarajevo izabran primjenjujući kriterij najniže cijene koja je ponuđena u iznosu od **3.400,00 KM** bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 10 (deset) dana od dana prijema ove odluke.



PREDSJEDNIK SUDA
Ranko Debevec